

مجموعه سنون

از

جمعیت علمیه عثمانیه

ایکینسی پت

نومرو ۱۹

رجب

استانبول

جمعیت علمیه عثمانیه مطبعه سنده طبع اولنمشدر

۱۲۸۰

(تاریخ حکمای یونان)

پیتاقوس

پیتاقوس فرق ایکنجی اولمپیادده اشتہار بولوب الی ایکنجی اولمپیادک
اوچنجی سنہ سندنہ وفات ایتشدرد .
پیتاقوس فی الاصل روم ایلی اہالہ سندن اولوب ہیرادیوسک
ارغلیدر . تقریباً یکرمی طقوزنجی اولمپیادده یعنی میلاددن التیوز
فرق طقوز سنہ مقدم مدلولوجزیرہ سندنہ تولد ایتشدرد .
کنجلیکی انسانسندنہ تشبث اموردہ زیادہ جسور و ذاتاً شجاع و غیور
اولوب ادارہ عسکریہ دہ دخی مہارتی و شیعہ مدوحہ حب وطنہ
شہرتی وارایدی . انسان زمانہ یہ اوعلی و فرصتتری فوت
ایتماملیدردیرایدی .

مشاہیر شعرای یونانیہدن آلسہ نک برادری ایلہ عقد اتفاق
و مدلولوجزیرہ سنہ مستولی اولان میلانکرنام متغلب علیہنہ
قیام ایدرک غلبہ ایلش و شو حرکت شجاعستلہ اشتہارینی موجب
اولمشدرد . مدلولو اہالہ سنی ایلہ اتنہ لولر یینندنہ منازع فیہ براراضی
مادہ سندن طولایی اوتہ دنبرونائرہ قتال اشتعال اوزرہ اولدیغندن

مدلولو لیر پیتاقوسی عسکر لرینه سرکرده انتخاب ایتدیلر. ایکی اردو
 تار شو قارشویه کله رک محاربه یه مها بولند قلی صره ده پیتاقوس
 یالکز کندو سیله آتند لوزک سر عسکری بولنان فرینون میدان
 محاربه یه چیقدر ق قنغیسی مغلوب اولور ایسه منسوب اولدیغی
 طرفک اردوسی مهزم اولمش کبی عد و اعتبار اولمنسی خصمی طرفه
 تکلیف ایلدی و مومی الیه فرینون اولوقته قدر دا ئما بومقوله
 مقاتلاند غالب کلمش و یونانلور بیئنده معتاد و متعارف اولمپیاد
 او یونلرنده علامت مظفریت اولق اوزره بر قاج کره باشنده تاج
 کیدیر لمش اولمغله شو تکلیفی قبول ایلدی و غالب کلان طرفک
 بلا نزاع سبب قتال اولان ارانی یه متصرف اولسنده قرار ویرلدی.
 اشبو ایکی سرکرده یالکزجه ایکی اردو بیئنده واقع میدانه
 چقدیلر. پیتاقوس قلقلانک ارقه سنه بر آغ صاقلوب یکدیگرینه
 یقلسد قده بر تفریب اشبو آغی خصمک اوزرینه اته رق ایچسنده
 الدی وار تی فرینونک حرکت مجالی قالمدیغی اکلا دقده بو طوتدیغم
 آدم دکل بالی ایمن دیور نعره اوردق دن صکره ایکی اردو حضورنده
 خصمی قتل و محل مذکور ی اخذ ایلدی.

پیتاقوسک سنی ایلر ولد کجه صلابتی ملایمته مبدل اولوب یواش
 یواش سکونت حکیمانده دن لذتیاب اولمغه باشلادی. مدلولوا هالبسی
 پیتاقوس حننده فوق الغایه حرمت و محبت ایتدکلر دن مملکت لرینک
 زعام اداره سنی ید اسلیهانده اعطا ایتدیلر. پیتاقوس مدت مدیده
 روزگارک کرم و سر دینی کوروب هر شیده حاصل ایتدیگی
 تجارب ثمره سی اوله رق حال اقبال واد بارده مر دانه حرکت ایلدی.
 امور جمهوری حسن نظامه اد خال ایتدکلر دن صکره اون ایکی

سنه محول عهده استیهای اولان حکومه شدن فراغت وبالکلیه
 اختیار عزلت ایلدی .
 پیتاقوس اوائل حالنده مساعده اقبالی فوق الغایه تمنی و آرزو
 ایتمش ایکن حصولنده استحقار ایدر کاندن اعراض ایلدی .
 مدلولو اهل بسی کندولری حقنده وقوعبولان خدماتنه مکافاة
 حال عزلنده کمال رفاه ایله تعبشنه کافی بر قاج چیتک ایله برابر
 اقرصولری و انواع اشجاری مشتمل بر جای دلکشا اعطاسنی تکلیف
 ایلدکلرنده پیتاقوس مزارعنی انه اله رقی وارقوتیله اتوب بوتک
 کتدیکی مسافه تک مر بعیله اکتفا ایتدی .
 اعیان بلده پیتاقوسک یالکز بوقدر له قناعت ایتدیکنه متعجب
 اوله رقی حکمتنی کندوسندن استیضاح ایتدکلرنده بر جزو کلدن خیرلودر
 دیوب بوندن زیاده توضیحانه کیرشمیدی .
 سولونک ترجمه حالنده دخی ذکر ی سبقت ایدن قریزوس
 اسباب ثروت و ساماننی ارئه ایتک اوزره پیتاقوسی بانامه مخصوص
 زردینه دعوت ایتکله پیتاقوس بروجه آتی جواب تحریر ایلشدر .
 " خزانکزی کورمک اوزره بنی لیدیایه جلب ایتک استیور سکرز .
 بن انلری کورمک سکرزین سزک ثروت و قدر تجده جله حکمداران
 فائق اولدیغکرزده اشنباه ایتیم . فقط سزک مالک اولدیغکرز مال و منال
 بنم اولسه ینه کندومی اغنیادن عد ایلیم . بنم هیچ مالیه احتیاجم
 یوقدر انجق بر قاج دوست ایله برابر تعیشمه کافی بر مقدار جزوی ایله
 قانعم . مع مافید سزی خشنود ایتک ایچون نزدیکزه کله حکم " .
 قریزوس اسیاده بولسان یونان ممالکنی ضبط و تسخیر ایتدکلدن
 صکره جزائر بحر سفیدی دخی استیلا ایتک اوزره سفائن ترتیب

و تجهیز نیند نیت ایلیشیدی . پیتاقوس بوائشاده سار دیسه کلوب
قریزوس ایله ملاقی اولدقده مشار الیه کندوسنه یونانستانده
نه وارنه یوق دیو سئوال ایدوب پیتاقوس جوا بنده اظه لول
اون بیک آت اشترا ایدوب سزکله محاربه یه وسار دیس اوزرینه
هجومه قرار ویردیلر دیدی . قریزوس بونی حقیقته حل ایله
انشاالله اظه لولر اتلوا لهرق کلوب اوزرمنه هجوم ایدرلر دیمکله پیتاقوس
اویله ایسه سز اظه لولری قاره ده اتلو اولدقلری حالده کور مک
اسنیور سکر . بو باده حقکز وار فقط اظه لولر دخی اوزرلرینه بحر
عسکر شوق ایده جککری ایشندکلرنده کوله جکلرینی ملاحظه
ایمز مېسکر . حال اسارته قویمش اولدیغکز یونانیلرک انتقامنی
المق ایچون سز ولیدیا اهاپسنه قاره ده ملاقی اولمقلقدن فوق
الغایه ممنون اولورلر دیدی . قریزوس پیتاقوسک شو مطالعاتی
بر معلومات اوزرینه درظنیله سفائن تجهیزندن فراغت
واظه لولر ایله عقد اتفاقه مسارعت ایلدی .
پیتاقوس غایت ملحم و عبوس الوجه برآدم اولوب دائم کوزلری اغر
و پرمرده قیافت کرز ایدی وایاقلرنده بعض سقطلق اولدیغندن
یوریشی دخی چرکین ایدی . دراقون نام واضع قانونک قزینی تزوج
ایلیشیدی مر قومه زیاده تکبر و بد زبان اولوب زوچنک حسن اندام صاحبی
اولدیغندن و کندوسی ده ااصیل اولق ادعا سنده بولندیغندن
طولای پیتاقوسی تحقیردن خالی اولمز ایدی . برکون پیتاقوس
احبا سندن بر قاج فیلسوفی طعامه دعوت ایدوب سفره حاضر
اولدقده مر قومه معتادی وجهله کمال عنف ایله سفره یی اوزرنده
اولان اطعمه ایله برابر دویردی . پیتاقوس اصلا یرندن حرکت

ایتمه ك انجق مسافر له خطا با بو بر دیوانه در قصورینه باقامه بسكن
 دیمكه اکتفا ایلدی . كندوسیه زوجه سی بینده اولان شو عدم
 امتزاج هم اقران اولیان زوجه المنلق حقیقه كمال درجه بغض
 ونفرته سبب اولمشیدی . بر کون بر ادم پیتاقوسك یانه كله رك
 تأهل ایتك استدیكم ایکی خاتون وارد بر بونلك بریسی همان بن
 حالده و دیگری ثروت و اصالت جهتیه بنم مافوقده در . عجب
 بونلردن قنغیسی انتخاب ایتسم مناسب اولور دیور آینی سئوال
 ایتد كده پیتاقوس اوزرینه اتكا ایلدیکی عصا سنی یوقاری
 قالدیرق كوچك چوجقار ك اوینامق ایچون طوبلان دقلری فلان
 میدانه كیت بو باده انلر نه سویار لایسه او یله حرکت ایت
 دیدی شخص مرقوم پیتاقوسك تعریف ایتدیکی محله کیدوب
 اوراده كمال شوق و رغبتله او یون اوینان كوچك چوجقار
 یکدیگرینه هر کس کدوایشنی بولسون دیدکلرینی ایشتمكه منتصح
 ارله رق ارتق کدوسنك مافوقده اولان خاتوندن صرف نظر
 ایله کدو اقراندن اولانی المغه قرار ویردی . پیتاقوس زیاده اهل
 قناعت اولوب مدلولده الك اعلا شرابلر مبدول بولندیخی حالده
 دائماً چشمه صویندن بشقه برشی ایچمز ایلدی . گروه مغلبه دن
 پریاندره اگر قورطوسی قبضه تسخیره المق و مسلاك تغلبه بقا
 بولمق استرسك شراب استعمالی ترك ایت دیو خفياً نصیحت
 ایلدیکی دخی مرویدر .
 بر ادم حالت مستیده بر قباحه ارتکاب ایتدیکی حالده ایکی قات
 شدنله مجازات اولمشنی امر ایلدی وجوب و ضرورت اولقدر
 قوی برشیدر كه الهلریله انك احکامنه متابعته مجبور در .

بر آدم انجق حکومت جمهوریه تختنده بولندیغی حالده درجه عقل و روینی ارانه ایده بیلور . عقلا و قیله دفعنه دسترس اولق ایچون محتمل الظهور اولان مصائبی قبل الوقوع درک و تفرس ایتملیدرلر و صاحب جسارت اولئر بر فلا کته دوچار اولدقلرنده مردانه تحمل ایلملیدر . اهل خیر اولق پک کوچدر . موجودا شیانک دائما اصلا حه چالشیق کبی اعلاشی اولمز . برایشده موفق اولق ایچون بر وقت خایده ملاحظه ایتملی و تصور اولنان شیلری در عقب اجرا ایلملیدر . الک زیاده ممدوح و مقبول اولان مظفریت قان دوکلمکسزین حصوله کلاندر . بر دولتک حسن اداره سی کرک بالذات حکمدارینک و کرک سائر ارباب حکومتک ادانی ناس کبی قوانینه رعایت ایلمسته متوقفدر دیرایدی .

دائما شاگردانه برایشه شروع ابتدیککرده ادعای مهارنه تفاخر ایتمکز چونکه قضاء تشبیککرده موفق اوله مدبغکر حالده هدف طعن واستهزا اولورسکرز دیرایدی .

بر آدم بر فلا کته دوچار اولدقده سز دخی بر کون اوپله بر حالده بولنه بیله جککز جهتله انی تعییب ایتمکز . کسه حقنده فنا سوبلیکز ولود شمنکر اولسون دوستلریکزی الدن چیقار بیوب کویا بر کون الک بیوک دشمنکرز اوله جق کبی ازلرله کمال احتیاط ایله الفت ایدبکرز . عفت و قناعت و حقیقته محبت و خالق تعالی به طاعت ایدیکز . سزه تودیع اولنان اماناتی تمامیه اصحابنه رد و اعطا و هیچ بر سری افشا ایتمکز دیرایدی .

پیتاقوس نظم ایتمدیکی بعضی اشعارده انسان اوق و یابینی الملی و اهل شروری هر نروده راست کتورر ایسد اوروب اولدرملیدر چونکه

انلرك درونلری غل و غش ایله مملو اولدیغندن اغزلندن شایان
اعتماد برشی ظهور ایتمز دیمشدر .

اختیار عزلت ایتمش اولدیغی ائنده قریوس کندوسنه بر مقدار کلی
ایقه ارسال ایتدکده قبولندن امتناع ایله قریداشم بلاولد وفات
ایدوب متروکاتی بکاء اولدیغندن غم استدیکم مقدارک ایکی قاتی
ثروته مالکم دیوجواب ویردی .

پیتاقوس پک حاضر جواب اولوب کندوسنه هر نه شیدن سؤال
اولندیسه هیچ بر وقت مضطرب اولماشدر . برکون کندوسنه
دنیاده الکیزاده متغیر اولان شی ندر دیو سؤال اولندقدده صورك
مجراسی وقادینلرك مزاجی دیدی و ممکن مرتبه صکره به براغیله جتی
شی ندر دینلدکده انسان دوستلرندن قرصاً ایقه المی دیدی و هر
یرده اجراسی لازم اولان شی ندر دیو سؤال اولندقدده ظهوره
کلان خبر و شریدن استفاده اولنمی دیدی . الک لطیف شی زمان
والک خفی شی حالات آتیه والک صادق شی زمین والک خائن شی
دکز در دیرایدی .

برآدم برکون کندوسنه تصور ایتدیکم برشی حقنده اسنشاره
ایتمک ایچون براهل عرض ادم ارایورم دیدکده هر نقدر اراسک
بوله مز سن دیدی .

پیتاقوسک قری تیرنه برکون کومه شهرنده بر برر دکاننده بولنوب
اکثرا دکان مذکورده قونشقی ایچون دلیقانلور تجمع ایتدیکنندن
عمله کروهندن بریسنک من غیر قصد اندیغی بر بلطه مرقومه تک
باشنه تصادف ایدرك ایکی شق اوادی . اهالی در حال قاتل
مرقومی پیتاقوسک یانه ککوتور دیلر . پیتاقوس وقوع حالی

کرکی کی تحقیق ایدرک شخص مر قومك شوحر كنده قطعاً
 سوء قصدی اولدیغنی آكلادقده من غیر ارادة وقوعبولان قباح
 عنوه شایاندر و بونك ایچون اخذ انتقامه قیام ایدن آدم بر ییكنه
 حقنده رواكوردیكى مجازات غیر محقه دن طولای قباحتلو
 اولوردیهرك شخص مر قومك سییلنی تخلیه ایلدی .

پیتاقوس بعض کره اشعار نظمیه اکلورایدی . کندی قوانینی
 نظم ایدوب دیگر بعض منظوم اناری دخی واردر .
 پیتاقوس وجود جه قوت حاصل ایتك ایچون اکثراً بغدادی او کیمکه
 مخصوص بر دکرمن چویر ایلدی .

پیتاقوس بعضاری عندنده حکمای یونانندن معدود اولان
 فره سیدك استادی ایلدی . مومی الهك صورت وفاقی غرائب
 احوالندره شویله که ایاثلوغ و مغنيسا اهلایاری پيشنده آتش
 جنك وجدال اشتعاله باشلادقده فره سید زیاده ایاثلوغ
 طرفگیری اولدیغندن برکون یولده کیدرکن برادمه راست
 کلوب نه لی اولدیغنی بالسهؤال ایاثلوغ اهلایسندن ایدوکنی
 خبرالدقده بنی بجاغندن سورکلیهرك مغنيسايه کوتور واورادن
 درحال ایاثلوغه کیدوب وقوعبولان طلبم اوزرینه حقمده نصل
 معامله ایتدیکی اهلاییه خبر ویردشمناری علیهنده مظهر
 ضلله اولدقلرنده بنم تجهیز و تدفینه مسارعت ایتسوناردیدی .
 شخص مذکور اولوجهله فره سیدی سورکلیهرك مغنيسايه کوتوردکن
 صکره ایاثلوغه کیدوب صورت حالی اعلان ایلدی .

بونك اوزرینه ایاثلوغ اهلایسی فره سیدك وضینی یرینه
 کتورمک ایچون همان فردا سی کون بر عظیم محاربه ایدوب

مظهر فوز و ظفر اولدیله و در حال فره سیدک بولدیغی محله کیدزک
کند و سنی وفات ایتمش بولدیله و اورادن الوب عظیم الای ایله
دفن ایتدیله.

پیتاقوس مسقط رأسی اولان مدالوجزیره سنده یتیمش یاشنی
مجاوز اولدیغی حالده وفات ایتشد.

(منیف)

(علم معادن) (ما بعد نومر ۱۷)

قورشون خالص اوله رق یوانه قدر یالکز برایکی محله بولنوب
دائما کوکورد و قلور و حامض قاربون رسائره ایله ممزوج اوله رق
تصادف اولنور . جسم معدنی مزبور عندالقدما معلوم و حتی
تورات شریفده مذکوردر فقط اولزمان نادر و قیتلوا لوب حتی
ر مالولک زماننده قورشونک قیمتی شمدی یه نسبتله یکریمی درت قات زیاده
یدی اولو قتننبر پک چوق محارده معدنلر کشف اولنورق حاصلاتی
تکذابلندر . حجه نکه معلومی اولدیغی ارزره قورشون مائی به قریب
بیاض رنگلی و یومشاق و غایت متطرق و حرارت قلیله ایله مذاپ
اولور بر معدنلر و صودن اون اوج بحق دفعه اغرا لوب بر چوق
حاء ضانده منحل اولور و محلوللری مواد سائره به حل و ت ایراث
ا بر . بو خاصده منی یونان و رومالور باده به لذت و برک ایچون
شراب فیچاری درونی قورشون تختلریله قابلیوب فقط بوندن
حاصل اولان مضرتی بیلنلریدی زیرا قورشونک انسانه تأثیرات
مضره سی اولدیغی درکاردر . قورشون انخره سی نباتاتی یله افنا